

NOW OPEN!

Dilanti
The Mill Resort
Habri di 5:30 PM.

Aruba Destiny


RESTAURANT

Fine Aruban Cuisine

Excellence in Dining







MUSICA EN VIVO

Prijs di cuminda
\$ pa Afl.
Dia 4 & 5 Juni

TEL. PA RESERVACION: 586-1100 • 568-6493 • 563-0191

Aunque nos tur ta impacta cu desaparicion di Natalee:

No ta husto pa Aruba carga e culpa ni cu nos pais haya mal imagen den exterior

ORANJESTAD (AAN) —

Pa comunidad di Aruba e desaparicion di e estudiante Mericano Natalee Holloway riba nos isla, ta un trago hopi amarga, y logicamente nos pueblo henter ta desea pa e mucha muher aki aparece sano y salvo. Tur hende riba Aruba ta sinti pa e mayornan di e hoben aki, y sigur nos ta pidi Dios pa nada malo a pase, y pa Dios spaar nos hobennan di algo similar sea aki mes of den otro pais.

Pero apart di tur sentimento di angustia cu e situacion aki por crea, no ta husto si cu den prensa Mericano, y specialmente den un noticiero di television, Aruba ta worde culpa di kico a sosode ni cu e trabao di nos autoridadnan policial worde cuestiona.

Na prome lugar, pasobra no ta algo comun den nos pais cu cosnan asina sosode, y prueba di esey ta e consternacion cu e desaparicion di e hoben a causa for di e prome oranan di e sucedido, y ademas, pasobra circunstancianan asina por presenta na cualkier pais rond mundo sin cu esaki por worde preveni, y mucho menos predecir.

Ta masha, pero masha inhusto mes, cu pafo di nos fronteranan nos Isla por worde culpa pa algo cu kizas si por a worde evita si e mesun grupo di studiantenan y e chaperonnan, cu aparentemente tabata dos so pa cuida henter e grupo, lo a bati alarma na tempo, of si tabata tin reglanan estricto cu e muchanan lo mester a

cumpli cune.

Ta imposible pa pone vigilancia den un hotel of pidi polis pa haci esaki, cada vez cu un grupo di hoben sea di Merca, of di cualkier otro pais, bin hunto den un trip pa Aruba. Ningun hende den nos isla por yuda cu e hobennan aki no ta bin cu nan mayornan pa nan hiba un mehor control, ademas cu ta trata caba di hobennan adulto, pasobra na Merca mescos cu na Europa, Aruba mescos for di un par di aña pasa, y mayoria di otro paisnan, ora un persona cumpli su 18 aña di edad, e ta mayor di edad caba, y e mester sa kico ta haci!

Nos tur sa cu nos hubentud di awendia ta hopi mas expone na peligronan di diferente indole compara cu binti pa treinta aña pasa y e decadanan prome cu esey, y banda di esaki e hoben moderno y actual ta mucho mas independiente, e ta dicidi mas facilmente riba su mes destino y e ta scoge, supuestamente, na un manera mas conciente.

Sin animo di huzga e hoben, y menos ainda si nos tambe ta un mayor, mester bisa cu lamentablemente ora un hoben ta scoge robes e consecucionan por ta robes sin cu e mes ta spera esey. Aunke logicamente nos tur ta spera cu den e caso aki lo no tin nada di lamenta, y cu pronto e hobencita aki aparece sin ningun daño grave riba su integridad fisico, moral, ni mental, y cu e flagelo di droga lo no ta hungando un rol den e asunto aki.

Posiblemente den e fondo di nos curazon nos tur ta desea

cu solamente ta trata a... i un "travesura" di un ho... cu

direpente a sinti su me... ber, **sigui lesa pag14**

MERIDA

8 DIA 7 ANOCHI

**SALIDAS 17-24 JUL.
31-07 AUG.**

Incluye:

- Ticket Aruba - Merida - Aruba
- Traslados: Airport + Hotel Airport +
- Cocktail de bienvenida
- Desayunos diarios
- Paramo, pico el aguila almuerzo incluido
- Visita Venezuela de antier almuerzo incluido
- Paseo a el valle, sierra de la culata
- Visita teleferico
- City tours
- Entradas a los parques incluidas
- 01 botella de vino artesanal de mora por habitacion
- Recornfirmacion de vuelos

Hotel -	Adt.	Chd.
	960	650

Reserva ya:

**Tel: 588-5097 / 588-5098 / 583-6966
582-0077 / 583-6800**

Habrimos los Sabados.

Nota: no se necesita visa para ir a Merida.

Continuacion pagina 8

manera un pahra cu di pinto
e porta di su haula a ha y el
a haya su mes den libertad di
habri su alanan y bula e
distancia cu e por resisti.
Pero si no ta asina, y
enberdad tin algo malo tras di
e desaparicion di e hoben
(Dios spaar e) no por culpa
nos Isla tampoco ni ta husto
pa pon'e den un mal imagen
den exterior, pasobra cosnan
menos bon ta sosode na tur
parti di mundo, sin laga
Merca afo, y esey ta algo cu
programanan di television

Mericano mes ta muestra hopi.
Claro cu esaki, hasta si
manera nos tur ta spera tin un
final feliz, ta keda un les pa
nos pais como destino
turistico y cu kizas, den un fu-
turo Gobierno atravez di
ATA lo por pone algun regla
acerca ora di ricibi grupo di
hobennan for di exterior, pa
nos pais no asumi
responsabilidadnan cu ta
coresponde e hobennan mes,
nan mayornan, of e adultonan
cu ta acompaña nan.